



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

LIX. De primo verbo prolato in cruce. Pater dimitte illis, &c.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

Et latrones, qui crucifixi erant cum eo improperabant ei. Similia Marc. 15. 29. 30. 31. 32. Luc. 23. 35. 36. Et stabat populus spectans, & deridebant eum principes cum eis, dicentes: Alios saluos fecit, se saluum faciat, si hic est Christus Dei electus. Illudebant autem ei & milites accedentes, & acetum offerentes ei. Vers. 39. Unus autem de his, qui pendeant latronibus, blasphemabat eum, dicens. Si tu es Christus, saluum fac te ipsum, & nos. Vers. 40. 41. Respondens autem alter increpabat eum, dicens: Neque tu times Deum quod in eadem damnatione es. Et nos quidem iuste, nam digna factis recipimus: hic vero nihil mali gessit.

CAPVT LIX.

De primo verbo à Christo prolato in cruce. Pater dimitte illis, non enim sciunt quid faciunt.

- F**IGURAE. I. Verus Ioseph excusat peccatum fratrum suorum. Genes. 50. 16. 17. 18. 19. 20.
2. Moyses in vertice montis orat pro populo idololatrico, vt Deus illis ignoscat. Exod. 32. 7. 8. 9. 10. 11.
3. In ore leonis mortui inuenitur dulcissimus fauus mellis. Iud. 14. 8. 9. In ore Christi fermo omni acceptione dignus, quia Christus venit saluare peccatores. 1. Timoth. 1. 15. Fidelis fermo, & omni acceptione dignus: quod Christus Iesus venit in hunc mundum peccatores saluos facere, quorum primus ego sum.
4. Exercet actum summi sacerdotis, qui est offerre, & orare pro sua (quam non habuit)

Bb 4

& populo

& populi ignorantia, & peccato. Hebr. 5. 1. 2. 3. 4.
 Omnis namq; pontifex ex hominibus assumptus, pro
 hominibus constituitur in ijs, quæ sunt ad Deum, et
 offerat dona, & sacrificia pro peccatis: qui condole-
 re possit ijs, qui ignorant, & errant: quoniam ipse
 circumdatus est infirmitate, & propterea debet quæ
 admodum pro populo, ita etiam & pro semetipso
 ferre pro peccatis. Vers. 7. 8. 9. 10. Qui in diebus
 carnis suæ preces supplicationesq; ad eum, qui possit
 illum saluum facere à morte cum clamore valido &
 lachrymis offerens, ex auditus est pro sua reuerentia.
 Et quidē cum esset Filius Dei, didicit ex ijs, quæ pas-
 sus est, obedientiam: & consummatus, factus est
 omnibus obtemperantibus sibi, causa salutis æternæ,
 appellatus à Deo pontifex iuxta ordinem Melchise-
 dech. Vide etiam cap. 9. 6. 7. 8. 9. 10. 11. 12. 13. 14.
 15. vt suprâ fol. 185. & vers. 27. 28. Et quemad-
 modum statutum est hominibus semel mori, post hoc
 autem iudicium: sic & Christus semel oblatus est ad
 multorum exhaurienda peccata: secundo sine pecca-
 to apparebit expectantibus se in salutem.

5. Iob orat pro illis foribus suis. Iob 42. 7.
 8. 9. 10.

PROPHETIAE. Psalm. 44. 3. Speciosa
 forma præ filiis hominum, diffusa est grata in labi-
 bus tuis: propterea benedixit te Deus in æternum. Psalm.
 108. 4. 5. 6. Pro eo vt me diligerent, detraxerunt
 mihi: ego autem orabam. Et posuerunt aduersus
 me mala pro bonis: & odium pro dilectione mea. Con-
 stitue super eum peccatorem: & Diabolus flet à dexte-
 ris eius.

eris eius. *Isai. 53. 12. Ideo dispersiam ei plurimos: & fortium diuidet spolia, pro eo quod tradidit in mortem animam suam, & cum sceleratis reputatus est: & ipse peccata multorum tulit, & pro transgressoribus rogauit. Vbi hoc quasi præclarissimo facto concludit passionem. Ierem. 8. 20. 21. Transiit messis, finita est aestas, & nos saluari non sumus, super contritione filie populi mei contritus sum, & contristatus, stupor obtinuit me. Ion. 4. 2. Et orauit ad Dominum, & dixit: Obsecro Domine, nunquid non hoc est verbum meum, cum adhuc essem in terra mea? propter hoc preoccupaui ut fugerem in Tharsis: scio enim quia tu Deus clemens, & misericors es, patiens, & multa miserationis, & ignoscens super malitia.*

VERITAS. *LUC. 23. 34. Iesus autem dicebat: Pater, dimitte illis: non enim sciunt quid faciunt. Diuidentes verò vestimenta eius, miserunt sortes.*

CAPVT LX.

De secundo verbo. Hodie mecum eris in paradiso.

FIGURAE. 1. Solus Ruben nititur liberare Iosephum. *Genes. 37. 21. Audiens autem hoc Ruben, nitebatur liberare eum de manibus eorum, & dicebat, &c.*

2. Ex omnibus Aegyptijs solus pincerna Pharaonis commendat Iosephum. *Genes. 41.*
 3. Tunc demum reminiscens pincernarum magister ait: *Confiteor peccatum meum, &c.*

Bb 5

3. Ioseph.